



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

Cap. VI. De Magna Philosophiæ Naturalis, tam speculativæ, quæm
operativa, Appendix Mathematica: Quodque inter Appendices potius poni
debet, quam inter scientias substantivas. Partitio Mathematicæ, ...

urn:nbn:de:bvb:12-bsb10497643-5

nimum trahunt ex phantasia & fide, [quales sunt *Magia* ista levis, de qua nunc loquimur, *Alchymia*, *Astrologia*, & aliae consimiles] media sua, & Theoriam, solere esse magis monstrosa quam Finitis est, & actio, quo tendunt. Versio argenti, aut argenti vivi, aut alicujus alterius metalli in aurum, res ereditu dura: Attamen longe verisimilius est, ab homine, qui *Ponderis*, *Coloris*, *flavi*, *Malleabilitatis* & *Extensibilitatis*, *Fixi* etiam & *Volatile*, naturas cognitas & perspectas habuerit; quique similiter prima mineralium semina & menstrua diligenter introspergit; posse aurum multa & sagaci molitione tandem produci; quam quod pauca *Elixirū* grana, paucis momentis, alia metalla in aurum vertere valeant, per activitatem ejusdem *Elixirū*, qua naturam scilicet perficer & omni impedimento liberare possit. Similiter, senectutis retardatio, aut gradus alicujus juventutis instauratio, non facile fidem reperiatur: Attamen longe verisimilius est, ab homine, qui naturam *Arefactionis*, & *Spirituū* super *sólida corporū* *depradationes* bene norit, quique Naturam *assimilationis*, atque *alimentationis*, vel *perfectioris*, vel *pravioris*, perspicerit; Naturam etiam *Spirituū*, & quasi *Flamma Corporū*, alias ad consumendum apposita, alias ad reparandum, notat: posse per diætas, balnea, unctiones, medicinas proprias, accommodata etiam exercitia, & timilia, vitam prolongari, aut vigorem juventutis, aliqua exparte, renovari: quā quod hoc fieri possit per guttas pauculas aut scrupulos alicujus *perficiōs liquoris*, aut *quintessentias*. Rursus, ex astris fata elici posse, non statim aut facile homines conseruent: Illa vero, quod hora nativitatis, (quæ si pīsum ex pluribus accidentibus naturabis, vel acceleratur, vel differtur,) vitæ totius fortunam regat, aut quod hora questionis sit cum re ipsa, quæ queritur, confatalis; meras nugas dixeris. Attamen tanta exerceit humanum genus impotentia & interimpes, ut non solum, quæ fieri non possunt, sibi spondeant, sed etiam maxime ardua, sine molestia aut sudore, tanquam feriantur, le adipisci posse confidunt. Verum de *Magia* haec tenus cujus & vocabulum ipsum ab infamia vindicavimus, & speciem veram & falsa & ignobilis segregavimus.

Hujus vero partis *Operativa*, scilicet de *Natura*, duæ sunt *appendices*, magni utraque pretiū. Prima est, ut fiat *Inventarium opum humanarū*, quo excipiuntur & breviter enumerentur omnia hominum bona & fortuna, sive sint ex fructibus & proventibus Naturæ, sive artis quæ jam habentur, & quibus homines fruuntur, adjectissimis, quæ olim innotuisse constat, nunc autē perierunt: ad hunc finem, ut qui ad novainventa accingitur, de jam inventis, & extantibus, negotium sibi non faciat. Hoc vero *Inventarium* magis erit artificiosum, magisque etiam utile, si quæ communi hominum opinione *impossibilia* reputantur, in unoquoq; genere adjunxeris: atque una *proxima* *impossibilibus*, quæ tamen habentur, copules, ut alterum humanam inventionem acuat, alterum quadratus dirigat, utque ex his *Opervis*, & *Potentialibus*, *Altivis* promptius deducantur. Secunda est, ut fiat *Kalendarium eorum experimentorum*, quæ maxime *Polybretha* sunt, & ad aliorum inventionem faciunt, & ducunt. Exempli gratia, *Experimentum artificialis conglaciationis aquæ*, per glaciem cū sale nigro, ad infinita pertinet: Hoc enim

modum condensationis secretum revelat, quo homini nihil est fructuosius. Præsto enim est ignis ad rarefactiones; verum in condensationibus laboratur. Plurimum autem facit ad inveniendi compendium, si hujusmodi *Polybretha* proprio catalogo excipiantur.

C A P . VI.

Demagna Philosophia naturalis, tam Speculativa, quam Operativa, appendice, Mathematica: quodque inier appendices potius ponit debet. quam inier scientias substantivas. Partitio Mathematicæ, in puram, & mixtam.

Optime Aristoteles, *Physicam & Mathematicam generare Practicam sive Mechanicam*. Quare eum jam, tam *Speculativam*, quam *Operativam* partem *Doctrina de Natura*, tractaverimus, locus est, ut de *Mathematica* dicamus, quæ ad utramque est scientia auxiliaris. Hæc siquidem in *Philosophia recepta*, *Physica & Metaphysica* pars terra adjungitur. At nobis ista terra & tantibus & recolentibus, si eam ut *scientiam substantivam*, & principalem, designare in animo esset, magis contentaneum videretur, & rei ipsius *Naturæ*, & ordinis perspicuitati, ut constitueretur tanquam portio *Metaphysica*. *Quantitas* enim (quæ subiectum est *Mathematica*) materiæ applicata, veluti dolis *Naturæ* est, & plūrimorum esse etiū in rebus *Naturalibus* causalitatis; ideoque inter *Formas* *essentialias* numeranda est. *Figurae* autem & *numerorum* potentia in tantum apud antiquos valere vila est, ut *Democritus principia varietatis rerum*, in figuris atomorum præcipue collocaverit; Ac Pythagoras *Naturam rerum ex numero* constituit allatur erit. Illud interim verum est, quantitatem inter *formas naturales* (quales nos eas intelligimus) omnium maxime esse abstractam, & à materia separabilem: Quod ipsis in causa fuit, cur & diligentius exculta, & acris inquisita ab hominibus fuerit, quā alia quæcumq; *formæ*, quæ omnes in materia magis sunt immetas. Cum enim in hominum animis plane insitum sit, [plūrimo certe cum scientiarum detimento] ut *generalium* quasi *campis* liberū, magis quam *particulariū* *ylvis* & *sepiu* delectentur, nil repertum est *Mathematicus* gratius, & jucundius, quo appetitus iste expatriandi & meditandi exploretur. Erst autem hæc vera sint; nobistamen, qui non tantum veritati & ordini, verum etiam usui & commodis hominum consulimus, satius deum vīsum est, *Mathematica*, cum & in *Physicis*, & in *Metaphysicis*, & in *Magicis*, plūrimum polleant, ut omnium *appendices*, & copias auxiliares, designare. Quod etiam quodammodo facere compellimur, propter delicias & fastū Mathematicorum, qui hanc scientiam *Physica* fere imperare discipiunt. Nescio enim quo fato fiat, ut *Mathematica* & *Logica*, quæ ancillarum loco erga *Physicam* se gerere debeant, nihilominus certitudinē suā præ ea jaētantes, Dominatum contra exercere præsumunt. Verum de loco, & Dignitate hujus scientiæ, min⁹ curandū; de re ipsa videamus.

Mathematica aut *pura* est aut *mista*. Ad *puram* referuntur scientiæ, quæ circa *quantitatem* occupatae sunt, à *Materia* & *Axiomatibus* *Physicis* penitus abstractam. Ex duæ sunt, *Geometria* & *Arithmetica*: *Quantitatæ* altera *continuam*, altera *discretam* tractans. Quæ duæ artes, magno certe cum acmine & industria, inquisitæ & tractatae sunt, verum tamen

tamen & Euclidis laboribus, in Geometrica, nihil additum est à sequentibus, quod intervallo tot seculorum dignum sit; & doctrina de solidis, nec à veteribus, nec à modernis, pro rei usū & excellētia, instruta & auēta est. In Arithmetica autem, nec fatis varia & commoda inventa sunt supplicationum compendia, præsertim circa Progressiones, quarum in Physicis usus est non mediocris: nec Algebra bene consummata est: atque Arithmetica illa Pythagorica & Mysica, quæ ex Proclo & reliquo quibusdam Euclidis cōpīt instaurari, expatiatio quādām speculationis est. Hoc enim habet ingenium humanum, ut cum ad solida non sufficiat, in supervacaneis se alterat. Mixta habet pro subiecto Axiomata & Portiones Physicas: Quantitatem autem considerat, quatenus est ad ea eluci-danda, & demonstranda, & actuanda, auxiliaris. Multæ siquidē Natura partes, nec fatis subtiliter comprehendendi, nec fatis perspicue demonstrandi, nec fatis dextre & cerro ad usum accommodari possint, sine ope & interventu Mathematica. Cujus generis sunt Perspectiva, Musica, Astronomia. Cosmographia, Architektura, Machinaria, & nonnullæ aliae. Ceterum in Mathematicis mixtis integras aliquas portiones Desideratas jam non reperio, sed

multas in posterum prædico, si homines non feri-entur. Prout enim Physica, majora in dies incre-menta capiet, & nova Axiomata educer, eo Mathe-matica operā novā in multis indigebit, & plu-res demum sient Mathematicæ mixtae.

Jam autem Doctrinam de Natura pertransvi-mus, & Desiderata in ipla notavimus. Qua in re, si à pīles & receptis opinīomib⁹ discesserimus, eo-que nomine contradicendi anīam cuiquam præ-buerimus; quod ad nos pertinet, ut dissentiendi studium longe à nobis abest, ita etiam & conten-dendi consilium. Si h̄c vera lunt;

Non canimus surdu, respondent omnia sylo.

Vox Naturæ ingeminabit, et si vox horum inum reclamet. Quemadmodum autem Alexander Bor-gia dicere solebat, de expeditione Gallorum Neapolitana, *Eos venisse cum creta in manib⁹, quæ di-versoria sua notarent, non cum armis, ut perrumpen-ter;* Sic nobis magis cordi est Pacificus Verita-tis Ingressus; ubi quasi creta consignentur animi, qui tantum hospitem excipere possint; quam qui pugnax est, viamq; sibi per contentiones & lites sternat. Absolutis igitur duabus partibus Philoso-phia, de Numine, & de Natura, restat tertia de Homine.

FRANCISCI BACONIS DE VERULAMIQ, Vice-Comitis sancti Albani, De Dignitate & Augmentis Scientiarum, LIBER QUARTUS,

Ad Regem suum.

CAP. I.

Partitio doctrinæ de homine, in Philosophia humanitatis, & civilem. Partitio Philosophie humanitatis, in doctrinam circa corpus hominis, & doctrinam circa animam hominis. Constituto unius doctrine generali de Natura, frue, de statu hominis. Partitio doctrinæ de statu hominis, in doctrinam de persona hominis, & de fodere animali & corporis. Partitio doctrinæ de persona hominis, in doctrinam de miseria hominis. & de prærogativis. Partitio doctrinæ de fodere, in doctrinam de indica-tionibus, & de impressionibus. Assignatio Physiognomie, & interpretationis somniorum naturalium, do-crum de indicationibus.

SI quis me (Rex optime) ob aliiquid eorum, que proposui, aut deinceps proponam, imperat, aut vulneret, (præterquam quod intra praesidia Majestatis tuae tutus esse debam,) sciat is, se contra morem & disciplinam militia facere. Ego enim Buccinator tantum, pugnam non in eo, unus fortasse ex iis, de quibus Homerus:

Xaipeτε κῆρυκες, Διὸς ὑψηλοὶ γέδε τὸν ἀσπάνω.
Hi enim inter hostes, etiam infensissimos & acer-bissimos & ultiō citroque inviolati ubique com-meabant. Neque vero nostra Buccina homines advocat & excitat, ut se mutuo contradictionibus proscindant, aut secum ipsi prælient & digladi-en-tur; sed potius ut pace inter ipsos facta conjunc-tis viribus, se adversus Naturam Rerum compa-reant, ejusque Edita & Munita capiant & ex-pugnant, atq; fines imperii humani (quantum Deus Opt. Max. pro Bonitate sua inducerit) proferant.

Veniamus nunc ad eam Scientiam, ad quam nos ducit Oraculum antiquum: Nempe ad Scientiam nostram. Cui, quo magis nostra interfit, eo incum-

bendum est diligenter. Hæc Scientia homini profine est Scientiarum, at Naturæ pīs portio tantum. Atque hoc pro Regula ponatur generali: Quod omnes Scientiarum partitiones ita intelligantur, & adhibeantur, ut scientias portius signent, aut distinguant, quam lecent & divellant, ut perpetuo evitetur solutio continuatius in scientijs. Hujus etenim contrariū particulares Scientias steriles redidit, inaneas, & erroneas, dum à fonte & fomite communis non aluntur, suslentantur, & reifican-tur. Sievidemus Ciceronem Oratorem, de Socrate & ejus schola conquerentem, quod hic primus Philosophiam à Rhetorica disjunxit, unde facta sit Rhetorica, ars loquax & inanis. Constat similiter, Sententiam Copernici de Ratione Terre, (quæ nunc quoq; invaluit) quia Phaenomenis non repugnat, ab Astronomicis Principijs non posse revinci, à Naturali tamen Philosophia Principijs, recte pos-sus, posse. Artē denique Medicam videntur, si à Naturā Philosophia deslitigatur. Empiricorum praxis haud multum præstare. Hoc igitur posito, accedamus ad Doctrinam de homine. Ea duplex est; aut enim contemplatur hominem segregatum; aut Congregatum, atque in Societate. Alteram hatum Philosophiam humanitatis; Alteram civilem voca-mus. Philosophia humanitatis, live humana, ex par-tibus similibus illis, ex quibus homo ipse consistit: Nempe ex Scientijs, quæ circa corpus, & ex Scientijs, quæ circa animam versantur.

Verum priusquam distributiones Particulares persequamur, constituamus Scientiam unā gene-ralē, de natura & statu hominis: Digna enim certe-tes est, ut emancipetur hæc Scientia, & in Scientijs